

béhodái o sell o badén wáhagáni randgir ant.”¹⁹ É, donyái mardom ant, cha Hodáay Ruhá zebahr⁸ ant o jetái dawra dayant.

²⁰Bale oo dordánagán! Shomá watá cha pák o béaybén báwar o imáná mohr o mohkam bekanét o gón Pákén Ruhay madatá dwá belóthét.²¹ Watá Hodáay mehráni sáhegá bedárét o may Hodáwandén Issá Masihay rahmatay entezár o wadárá bebét ke shomará pa namiránén zendá sara kant.²² Gón á lahténá ke dodel ant mehrabán bebét,²³ lahténá cha ásá bekasshét o berakkénét o dega lahténá rahmat pésh bedárét bale gón tors o larz o cha áyáni jámagán naprat bekanét ke áyáni jesmá palit kortagant.

Satá o saná

²⁴Hamáiá, ke shomará cha thagal warag o kapágá mohr dáshta kant o béayb o gón mazanén shádmánié shomará wati porshawkatén dargáhá bort o sar korta kant,²⁵ may yakk o yakdánagén Hodá o rakkénóká, cha may Hodáwand Issá Masihay wasilahá, cha azal, annun o tán abad shán o shawkat o wák o kodrat berasát! Anchosh bát, ámin!

Yahudáay Kágad

Yahudáay Kágad

Yahudáay Kágad

1 ¹ Cha Ákubay brát, Issáay hezmatkár,^a Yahudáay némagá,
pa hamá gwánk jatagénán ke Petén Hodáyá dóst ant o pa Issá Masihaygi gón sharrén pahrézé
dárag butagant. ² Shomay sará rahmat, sohl o ásudagi o mehr gésh o géshter bát.

Drógrén ostádáni ásar o ákebat

³ Oo dordánagán! Wáhagdár atán pa shomá hamá rakkagay bárawá benebisán ke sajjahén áiay
sharkdár én. Bale zalurat diston ke gón é chizzáni nebisagá, shomay delá shawk pédaí bekanán tán
pa hamá báwará johd bekanét ke yak randé palgártagénán^b dayag butag o tán abad gón máshomá
góna bit. ⁴ Chiá ke lahtén anchén mardom chérokái shomay nyámá potertag ke wati békodáiy
sawabá cha pésará mayárig kanag butagant. Á Hodáy rahmatán tábá dayant o pa wati bénangén
kár o wáhagán kára bandant o may yak o yakdánagén Wájah o Hodáwand, Issá Masihá namannant.

⁵ Shomá é sajjahén chizzán sarpad butagét o zánét, bale lóthán shomará tahtál bedayán ke
Hodáwandá yak baré wati kawm cha Mesrá rakként, bale á ke békawar atant randterá gár o
bégwáhi kortant. ⁶ Áiá hamá préshtag ham tán dádrasiy mazanén róchá tahárókiá gón abadmánén
zamzilán bastagant ke wati ehtiáray borz o bolandén kadresh nazánt o wati jághesh yalah dát.

⁷ Hamé paymá, Sodum o Gomurah o kerr o gwaray shahráni mardom, ke hamáyáni dhawlá
bénangiesh kort o nárahbandén wáhagáni padá kaptant, abadi ásá perrénag butant tán pa degarán
dars o ebrat beabant.

⁸ Anchosh, gón é sajjahén sargwastáni zánagá, hamá mardom ke wati wábáni tahá zendag ant,
wati jesm o jáná palit o gandha kanant, ehtiárá namannant o ásmáni zórmándán sobakka kanant.
⁹ Tantaná mazanén préshtag Mikáilá, á wahdá ke Mussáay jónay bárawá gón Shaytáná yak o doi
kort, é tahm o joryat néstat ke Shaytáná sobakk o mayárig bekant. Tahná gwashti: “Hodáwand tará
sezá bedayát.” ¹⁰ Bale é, hamá chizzáni sobakki o béhormatiá kanant ke cha áyán heccha nazánant.
É mardom násrapad o békobánén jánwaráni paymá, wati sareshtay^c randá kapant o é paymá gár o
bégwáhi bant.

¹¹ Bazhn o apsóz pa áyán! Chiá ke Káenay^d ráhá rawant o wati suittáni padá Balyámay gomráhiá
kapant o Kórahay^e sarkashiá bérána bant. ¹² É mardom, shomay pormehrén báwarmandi diwánán
pa shomá bannámi o pólengé bant, wahdé pa békawáhi gón shomá hórígá waráka warant. É hamá
shopánk ant ke tahná wati jenday pazzór kanagay randá ant. Hamá békawréni jambar ant ke
gwátesha bárt. Hamá dhokkálí^f drachk ant ke békabar o bérissag ant o do bar mortagant. ¹³ É zeray
hamá mastén chawl o mawj ant ke wati sharmnákén káráni kap o gajján dara réchant. Hamá gesar
o sargardánén estár ant ke tahárterén taháróki áyáni abadi ásar o ákebat ent.

¹⁴ Hannuh ke Ádamay haptomi nasl o padréch at, esháni bárawá chosh péshgóia kant o gwasht:
“Hodáwand gón wati lakkáni lakkén palgártagénána kayt, ¹⁵ tán sajjahénáni dadrasíá bekant o
é békodáén nábháwarán pa áyáni sajjahén gandahkárián o pa hamá sajjahén sellén habarán ke é
békawáren gonahkárán áiay helápá gwashtagant, mayárig bekant.” ¹⁶ É mardom, gellahgozár,
irázger o wati badkári o sellén wáhagáni boddhetagén ant, pa wat pahra bandant o pa wati nap o
suttán gón cháplusi o charpzobáni mardomán satá kanant.

Báwaray sará mohr óshtag

¹⁷ Ji, oo dordánagán! Shomá may Hodáwand Issá Masihay kásedáni péshgóián wati yátá bedárét
¹⁸ ke shomará gwashtesh: “Goddhi zamánagá, anchén rishkand kanók wadia bant o káyant ke wati

^a1:1 Asligén Yunáni nebeshtánka gwasht: “golám”.

^b1:3 “Palgártagén” hamá mardom ant ke gón Issá Masihay hóná cha wati gonáhán shódag o pák kanag butag o é dhawlá
pa Hodáyá dar chenag butagant.

^c1:10 Saresht, bezán báten, fetrat, jawhar.

^d1:11 Káen hamá Kábil ent ke wati bráti kosht.

^e1:11 Kórah Mussáay zamánagay mardomé at.

^f1:12 Asligén Yunáni nebeshtánka gwasht: “érahti”.